



Bosnia and Herzegovina
Federation of Bosnia and Herzegovina

CANTON SARAJEVO
Cantonal Civil Protection Administration

Broj: 06-14-28-9/19
Sarajevo, 12.07.2019. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj: 39/14), člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), na Preporuku Komisije za nabavku, broj: 06-14-28-7/19 od 10.07.2019. godine, u postupku javne nabavke roba – „Nabavka i isporuka zaštitnih kaciga za vatrogasce“, direktor Kantonalne uprave civilne zaštite Kantona Sarajevo, d o n o s i

ODLUKU
O PONIŠTENJU POSTUPKA JAVNE NABAVKE

Član 1.

Poništava se postupak javne nabavke roba - „Nabavka i isporuka zaštitnih kaciga za vatrogasce“, obzirom da nijedna od primljenih ponuda nije prihvatljiva za ugovorni organ, u skladu sa članom 69 stav 2. tačka d) Zakona o javnim nabavkama ("Službeni glasnik BiH" broj: 39/14).

Član 2.

Za realizaciju ove Odluke zadužuje se i ovlašćuje Komisija za nabavku roba: „Nabavka i isporuka zaštitnih kaciga za vatrogasce“ i Sektor za ekonomske poslove Kantonalne uprave civilne zaštite Kantona Sarajevo.

Član 3.

Ova Odluka će se objaviti, u skladu sa članom 70. stav (6) Zakona o javnim nabavkama, na web stranici Kantonalne uprave civilne zaštite Kantona Sarajevo, (www.kucz.ks.gov.ba).

Član 4.

Ova Odluka stupa na snagu danom donošenja i dostavit će se u skladu sa članom 71. stav (2) Zakonom o javnim nabavkama svim ponuđačima koji su učestvovali u postupku javne nabavke.



Obrazloženje

Postupak javne nabavke pokrenut je Odlukom o pokretanju postupka javne nabavke, broj: 06-14-28/19 od 13.05.2019. godine.

Predmetni postupak nabavke je sproveden putem otvorenog postupka.

Procijenjena vrijednost javne nabavke bez PDV-a je 160.000,00 KM.

Komisija za nabavku je imenovana Odlukom, broj: 06-14-28-1/19 od 13.05.2019. godine.

Obavještenje o nabavci, broj: 282-1-1-31-3-11/19 objavljeno je dana 10.06.2019. godine na Portalu javnih nabavki, dok je sažetak Obavještenja o nabavci dana 10.06.2019. godine poslan na objavu Službenom glasniku Bosne i Hercegovine, a koje je objavljeno u „Službenom glasniku Bosne i Hercegovine“, broj 41/19, dana 14.06.2019. godine.

Tenderska dokumentacija za predmetni postupak javne nabavke objavljena je dana 10.06.2019. godine na Portalu javnih nabavki, a njene izmjene dana 13.06.2019. godine.

Komisija za nabavku dostavila je dana 12.07.2019. godine direktoru Kantonalne uprave civilne zaštite, Zapisnik o pregledu i ocjeni ponuda, Preporuku o poništenju predmetnog postupka i Izvještaj o provedenom postupku javne nabavke.

Na osnovu dostavljenog Izvještaja o provedenom postupku javne nabavke utvrđeno je da je Komisija za nabavku blagovremeno i pravilno izvršila otvaranje ponuda, pregled i ocjenu prispijelih ponuda o čemu je sačinila Zapisnik sa otvaranja ponuda i Zapisnik o pregledu i ocjeni ponuda u kojima je utvrđeno slijedeće:

- Da su u predmetnom postupku primljene četiri ponude.
- Da su blagovremeno primljene četiri ponude.
- Da nije bilo neblagovremeno primljenih ponuda.
- Da se ponude ponuđača: „Time Code“ d.o.o., „Financ“ d.o.o. predstavnik Konzorcija „Financ“ d.o.o. & „Eko – Bel“ d.o.o., „Firing“ d.o.o. predstavnik Konzorcija „Firing“ d.o.o. – „Rosenbauer“ d.o.o. i „Teve Varnost Elektronika“ d.o.o. predstavnik Konzorcija „Teve Varnost Elektronika“ d.o.o. i „Drager Safety“ d.o.o., odbacuju na osnovu člana 68. stav (1) ZJN iz razloga što navedeni ponuđači nisu dostavili sve dokaze tražene tenderskom dokumentacijom za predmetni postupak javne nabavke i njenim izmjenama o ispunjavanju uslova tehničke i profesionalne sposobnosti iz čl. 48. i 49. ZJN, i to:

1. Ponuđač „Time Code“ d.o.o. nije dostavio:

- Spisak izvršenih ugovora uz potvrde o realizaciji najmanje tri ugovora koji su u vezi s predmetnom nabavkom, čiji zbirni iznos (kumulativno, a može i jednog ugovora) je jednak ili veći od 100.000,00 KM u posljednje tri godine ili od datuma registracije, odnosno početka poslovanja, ako je ponuđač registrovan, odnosno počeo sa radom prije manje od tri godine;



- Original ili ovjerenu kopiju certifikata proizvođača predmetne robe o implementiranom sistemu upravljanja kvalitetom prema BAS EN ISO 9001:2015 ili BAS EN ISO 9001:2017 (identičan ISO 9001:2015) ili jednako vrijedan certifikat;
 - Original ili ovjeren prevod certifikata o usklađenosti vatrogasne kacige prema: BAS EN 443:2009 (identičan EN 443:2008) od strane ovlaštenog sudskog prevodioca;
 - Original ili ovjeren prevod certifikata o usklađenosti vizira vatrogasne kacige prema BAS EN 14458:2006 (identičan EN 14458:2004) od strane ovlaštenog sudskog prevodioca;
 - Original ili ovjeren prevod certifikata o usklađenosti unutrašnjih naočala prema BAS EN 14458:2006 (identičan EN 14458:2004) od strane ovlaštenog sudskog prevodioca;
 - Uzorak zaštitne vatrogasne kacige kako je propisano tačkom 3.4. podtačkom e) tenderske dokumentacije, prema traženoj tehničkoj specifikaciji navedenoj u Aneksu XII;
 - Bankovnu garanciju za ozbiljnost ponude;
 - Aneks XII, odnosno kolona Oznaka poglavlja tačka/stranica iz priloga iz kojeg se nedvosmisleno vidi zadovoljenost zahtjeva, nije propisno popunjena. Također nije ispunjen uslov težine kacige s viziorom, unutrašnjim naočalima i aluminiziranom zaštitom vrata (bez nosača lampe), jer težina ponuđene kacige iznosi 1500 g, kako je dostavljeno u tehničkoj specifikaciji.
2. Ponuđač „Financ“ d.o.o. predstavnik Konzorcija „Financ“ d.o.o. & „Eko – Bel“ d.o.o., nije dostavio dokaz iz kojeg se jasno vidi da ponuđena roba zadovoljava traženi uslov težine kacige s viziorom, unutrašnjim naočalima i aluminiziranom zaštitom vrata (bez nosača lampe) ne veća od 1300 g, kako je navedeno u Aneksu XII u Tehničkim specifikacijama zaštitnih kaciga za vatrogasce. Prema dokumentaciji (tehničkoj specifikaciji i katalogu) koju je navedeni ponuđač dostavio u svojoj ponudi težina kacige koju je on ponudio iznosi od 1450±30 g i 1580 ±30 g zavisno od veličine M i L. Također, nije dostavio uzorak zaštitne vatrogasne kacige kako je propisano tačkom 3.4. podtačkom e) tenderske dokumentacije, prema traženoj tehničkoj specifikaciji navedenoj u Aneksu XII.
 3. Ponuđač „Firing“ d.o.o. predstavnik Konzorcija „Firing“ d.o.o. – „Rosenbauer“ d.o.o., nije dostavio dokaz iz kojeg se jasno vidi da ponuđena roba zadovoljava traženi uslov težine kacige s viziorom, unutrašnjim naočalima i aluminiziranom zaštitom vrata (bez nosača lampe) ne veća od 1300 g, kako je navedeno u Aneksu XII u Tehničkim specifikacijama zaštitnih kaciga za vatrogasce. Prema dokumentaciji (tehničkoj specifikaciji i katalogu) koju je navedeni ponuđač dostavio u svojoj ponudi težina kacige koju je on ponudio iznosi cca 1300 g. Također, nije dostavio uzorak zaštitne vatrogasne kacige kako je propisano tačkom 3.4. podtačkom e) tenderske dokumentacije, prema traženoj tehničkoj specifikaciji navedenoj u Aneksu XII.
 4. Ponuđač „Teve Varnost Elektronika“ d.o.o. predstavnik Konzorcija „Teve Varnost Elektronika“ d.o.o. i „Drager Safety“ d.o.o. nije dostavio dokaz iz kojeg se jasno vidi da ponuđena roba zadovoljava traženi uslov težine kacige s viziorom, unutrašnjim naočalima i aluminiziranom zaštitom vrata (bez nosača lampe) ne veća od 1300 g, kako je navedeno u Aneksu XII u Tehničkim specifikacijama zaštitnih kaciga za vatrogasce. Prema



dokumentaciji (tehničkoj specifikaciji i katalogu) koju je navedeni ponuđač dostavio u svojoj ponudi težina kacige koju je on ponudio u osnovnoj konfiguraciji iznosi 1580g ($\pm 5\%$). Također, nije dostavio uzorak zaštitne vatrogasne kacige kako je propisano tačkom 3.4. podtačkom e) tenderske dokumentacije, prema traženoj tehničkoj specifikaciji navedenoj u Aneksu XII.

U postupku ocjene provedenog postupka predmetne nabavke, rukovodilac Ugovornog organa nije našao razloge nepravilnosti niti propuste u radu, koje bi eventualno bili osnov za neprihvatanje Preporuke Komisija za nabavku.

Naime, u postupku je ocijenjeno, da je Komisija za nabavku u svemu pravilno postupila, te da je Preporuka o poništenju postupka javne nabavke data u skladu sa odredbama Zakona o javnim nabavkama, podzakonskim i općim aktima.

Iz navedenih razloga, primjenom člana 69. stav (2) tačka d), člana 70 st. (1), (4) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem Ugovornog organa, kao prvostepenog organa i to na način propisan odredbama člana 99. Zakona o javnim nabavkama.

Ugovorni organ će postupati po žalbi na način propisan odredbama člana 100. Zakona o javnim nabavkama.

Dostavljeno:

- Svim ponuđačima
- Sektor za ekonomske poslove KUCZ KS
- a/a

